

Vu dor Seit Finfe giehts hier wetter:



De bestn Kostiemle ham natierlich aa in klenn Preis kricht. Des de Stimming gut war, sieht mor aa an dor lange Polonäs. Hamgange sei mir - also dor harte Kern - diemol dorwagn eweng sehr spät...



FAHRDIENST

Wer am 03.03.2022 abgeholt und auch **wieder nach Hause** gefahren werden will, der möchte bitte bis 17:00 Uhr anrufen:

???



Erzgebirgischer Heimatverein
Eibenstock e.V.
Otto-Findeisen-Str. 14
8 08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt`l



Nummer
204

Mitteilungsblatt des
Erzgebirgischen Heimatvereines
Eibenstock e.V.

März
2022



Endlich wieder Betrieb beim Wurzlrudi!

Is Portmanee is wag !

Nu su e Schrack! Aber schie dor Reih nooch:

Vor kurz, annern Noochmittisch, hat mei Lieblingskusine beschlosn, wieder mol eizekaafn. Net zeviel, nár wos mor halt esu braucht. Se saat ze ihrn Maa, ar söll is Auto mol dodorzu rausfahrn. Aber erscht söll noch Gald gehult warn aus dor Sparkass, glatt 200,00 Eurone. Des wollt se zwar net ausgabn, aber mor braucht ja aa immer mol e paar Pfeng dorham. Dor Maa saat, is wár grad net is beste Watter dorzu, is tát draußn tichtschn Matsch of de Stroßn gabn. Nu aber wens halt ubedingt sei muss...



Do sei se halt in den Watter lusgezugn. Erscht Sparkass noocherts Simml. Su kurz nooch Viere rim warn se mit den bissl eikaafn durch un sei wieder gut dorham aakumme.

Obnds im Sechse will se ihr Gald ordnlich ubn in Schrank olegn, guckt in ihre Tasch un sucht ihr Portmanee. Des is aber net drinne, susehr se aa in dare Tasch imhaarwielt. Ach, denkt se, des wird noch im Auto in dare Abloch liegn, wie mor allis im Auto vorstaut ham. Se ruft ihrn Maa, dar söll aber gelei emol nochguckn un des Ding mit rei bringe.

Dor Maa hert wie immer ofs Wort, gieht naus un durchstebert sei Fahrzeich. Aber nicht is ze saah! Wu ar des drinne seiner Fraa bericht, springt die gelei auf: „Do missn mir gelei noch emol zen Simml, hoffntlich liechts noch dortn an dor Kass rim. Vu die 200 € ham mir ja gar net viel ausgabn, do is ja noch e ganzer Haufn drinne!“

Allermacht, des war schu e Schrack! Also nicht wie nauf zen Simml. Mei Kusine springt su schnell wies nár gieht zur Kass hie, do kimmt ihr die Kassiererin vu vorhinst grad entgegn. „Kaaa iech Sie mol ewos freegn? Is ebberemende e Portmanee bei Ihne vielleicht ogabn wurn?“ Des Kassimaadl tut mit nor Gegnfrooch startn: „Wie heißn Sie denn bitte?“ Artich antwort se drauf un soocht net nár wie se haaßt, sonnern aa gelei, wu se wuhnt. „Do ham se aber fei Glick, des is bei uns ogabn wurn!“



Wir gratulieren unseren Heimatfreunden

Hans-Alfred Taube
Werner Pechstein

am 17.03.
am 30.03.

zum 70. Geburtstag
zum 84. Geburtstag



*Es spielt keine Rolle,
ob Sie Stil, Ruf oder Geld haben,
wenn Sie kein gutes Herz haben,
sind Sie nichts wert.*

- Luis de Funès -

Glückauf ihr Leit – dor nächste Hutznobnd kimmt fei!

Langsam giehts wieder aufwärts!

*Mir traffn uns am Donnerstich,
03.03.2022 um 18.Uhr*

im Vereinshaus

*Do gibts schiene Bildle un allis Neie
von Bargbaulehrpfod ze dorfahrn,
un aa e in klaans Film! vu unnern Fasching!*

Des is de neiste Regel, die muss noch eingehaltn warn:

*3G haaßt: G = geimpft, genesen, getestet
Wer sicher gehen will, kann sich einen kostenlosen
Schnelltest im Hotel „Am Bühl“ holen.*

Öffnungszeiten:

*Mo, Di, Do, Sa 09:30 bis 11:30 Uhr 15:00 bis 17:00 Uhr
uhne Amelding*

*Wer 3 x geimpft is, also gebuustert,
dar kaa ieberol hie!*

Winter-Dorinnerunge

Iech waß net, ihr Leit, öbs eich aa esu gieht:
bekanntlich is is ja e altes Lied:
Wenn draußn de Walt is tief vorschneit,
do denkt mer zerick an de Kinnerzeit.
De Schneeflockn werbln vun Himmel ro,
is Nasl, des drickt mor ans Fansterle na.
Mer dacht, hoffntlich hält's net glei wieder auf,
dor Mutter ruft mer zu: "Hul is Winterzeich raus!"
Un war mer schie eigepackt, dann gings fix naus -
mer ließ siech mei Tog esu richtig aus.




De Schneeballn, die flugn feste hie un har,
e Schneemaa wurd gebaut, des war gar net schwar -
un of dor Zschinner, do war e Labn,
wos mer do su dorlabt hat, kam en vür noch im Traum.
Bluß in richtign Schlietn, den kunnt mer uns net leistn,
do muß halt e alte Hitsch harhalt'n oder de große Pfann aus Eisn.
Die braustn genausu is Bargl nei,
als wärs e Hörnerbockschlietn, ganz nei!

Su vorgieht de Zeit, is is vieles annersch wurn.
De Kinner sei itze noch gar net richtig geborn,
do kriegn se in Schlietn, war was wie gruß,
e paar Schlitter, paar Schneeschuh, sugar ne Thermohus!
Des alls, des muß heit abn esu sei
un e mannicher, dar vorgißt halt dorbei,
des is trotzdem noch annere Kinner gibt,
dene des Glick net esu lacht, dene des Lachn vorgieht.



Solltet ihr mol su e Kind of dor Schlietnbah sah,
do nahmts fei an de Hand un sogt: "Kumm, frei diech aa!
Setz diech mit drauf un saus is Bargl mit nei!"
Am End kennt ihr am Barg wie im Lab gute Freinde sei!

- von Marianne Martin (eweng an unnere Sproch agepaßt vun Schmidt) -



„Hatt iech des an dor Kass beim Eipackn liegnlessn?“ „Na, na! Des Protmanee hat Jemand draußn ofn Parkplatz im greßt'n Schneematsch gefundn un rei gebracht!“
Dodormit ieberreicht se des inzwischn zwar schu eweng trockne aber uasaaliche Ding.

Mei Kusine guckt nei – allis is drinne: dor Ausweis, is AOK-Kartl un su wetter un su fort, sugar is ganze Gald war noch do!



„Un wer war dä dar ehrliche Finder, den tät ich gern ewos gabn!“ „Des was iech leider net, do kaa iech Ihne net wetter halfn.“ „Schod drim, des is ja net esu alltächlich, des mer su in gutn, ehrhlig'n Finder hat, iech wär miech aber mol imhärn, vielleicht hatts doch jemand mit gesaah un kaa mor den nenne, iech täts schu gern wissn! Ein Glick, des mir in Eimstock wuhne, do gibt's noch gute Leit“

In Finderlohn hat se aber erscht emol aa dor Kassnfräa ieberegabn. Mol sah, öb se die ehrliche Haut noch findn ka, im siech vor alln aa bei dar ze bedankn.

Nooch dor wahn Begabnheit aufgeschriebn vun Schmidt



Revisjon, Wahl un Fosnd - allis ham mir geschafft!

Mir hams gepackt! Des allis ham mir in Februar noochgehult un gelei de Fosnd dorzu ausgiebich gefeiert!

Zeerscht muß natierlich is Wichtichste durchgezogn warn. In bewährtor Form wurd for des Zeremonjell dor Taube, Fred beauftroucht, un des hat dar in allerbesten Güt beherrscht, ganz esu wies unner Statut vürsieht, Punkt for Punkt!

Zun Kassnbericht wurn de Zohn vun dor Kass un Konto na dor Wand geschickt, su des siech jeder emol kurz ieber de Pfeng in unneren Vorein imguckn konnt, dorzu gobs de Dorleiteringe vun Kassnwart.

De Einnahme un de Ausgobn wurn dann noch im Revisjonsbericht vu unneren Oberreviser, ne Möckel, Ralph, vürgelaasn.

Allis is aastimmich for Rachtens befundn wurn un per Handzaagn warn alle, die dormit ze tu hattn, entlast.

Gelei dornooch kam is nächste Heileit vun Obnd: De Dornenning vu unnerer Annita Einsiedel zen **Ehrnmitalied** vu unneren Vorein!



Des hat ja noch dor bishaariche Vürstand esu beschlossn. Die is schu vu Aafang aa seit 1990 dorbei un hat mit ihrn Eisatz fors Saafnlob-Denkmal, ihrn Fleiß bei de Bastelhutznobnde un als Stell-vortrater in Vürstand racht viel forn Vorein getaa. Is is emol Zeit wurn, des mir mol e Ehrnmitglied dornenne, des noch unner uns weilt – un des hoffentlich noch racht lang! Leider kunnt se an den Obnd net dorbei sei, aber des is ne annere Geschichte. Dor Matthias un iech, mir warn gelei de Woch drauf bei ihr dorham – in dor grußn Stadt Aue-Bad Schlem am Floßgrob un ham ihr harzlichst gratuliert zu

Nu aber noch emol zerick zen Wahlobnd:

Dornooch konnt de Wahl aagange warn. Forn Vürstand ham mir diemol e neies Mitglied, ne Jung Lothar, gewinne kenne. Dar is zen Stellvortrater forn Vürsitzndn vu alln gewählt wurn.

Dornooch muß noch aaner nooch vorne komme:

Unneren Vürsitzndn, ne Schürer, Matthias, konntn mir zen 30. Dienstjubiläum gratulieren. Dar hat des Amt numeh schu seit Aafang 1992 inne. des gibts aa net dlei wieder!

Dor Jürgen vun dor Spartenkneip hat inzwischn is Assn aufgetrogn: feiner Ardeppsalat mit Schnitzln un nor schie aagerichtn Beilooch, des hat allis un alln sehr gut geschmeckt, dankeschön aa an sein Koch.

Endlich kam aa de Fosnd ze ihrn Racht: alle hattn siech eweng aageputzt, einiche aa blus mit nern Hietl, aber egal: Hauptsach dorbei, mietgemacht un mietgelacht!

E Märchn ham mir - ganz ohne Proberei – aa wieder zen Labn dorweckt: Is Märchn vun Wolf un de 7 Geißn, des ham mir of arzebirgisch noochgespielt.

Des haaßt, suviel Geißn hattn mir net, mir hattn nár aans und des war noocherts abn is Geißlein 1 bis 7, basta! Un dann war natierlich de Geißnmutter un dor Wolf noch dorbei. Des hat ordlich Spaß gemacht. Außerdam gobs dann aa noch ne Büttred mit defting Doktorwitzle. Nooch dar lange Virus-Wartepause war des ne richtche schiene Sach.



Un glei drauf hat noch ne Kranknschwaster eigegriffn un for de schnelle Haaling e paar Schnapsle eigeschenkt, die ham fei ganz gut getaa! Wenn nár alle Schmerzn un Krankhaatn mit su nern Getränk halfn tätn, des wär schie...

